

鐵菴省長哀輓錄

袁金鎧署



輓聯

幾年道海同舟久服長才宏幹濟
一臥東山不起永留遺愛在斯民

京兆政務廳廳長趙景祺拜輓

司警政而七鬯不驚掌度支而庫藏加富三邊同軌百里考功
遼海縱流長猶遜使君遺澤遠
治縣事則曲承獎借任訊微則書成去德遙瞻遺容戴高知重
靈光遽傾圯追維疇昔涕洟多

京兆財政廳長趙鵬第拜輓

彥博助名夷吾經濟清猷風骨叔度襟懷集諸子特長永垂國

史

醫窮靈素易澈陰陽書治米黃詩超元白撫半生遺墨感喪斯
文

奉天高等審判廳廳長趙曙嵐敬輓

世事已無常大雅云亡梁木壞
音容何處覓老成凋謝泰山頽

趙明高拜輓

論當代賢豪經濟文章幾人能備
綜生平政績理財興學豐功不磨

趙際昌恭輓

華柱山高溟海水深鍾毓何槃槃方期小休以待天下之清三
頑頻煩蓋世經綸推國手

秋風蕭瑟洪波洶涌禍變已岌岌未及再起而應時務之會遺
老不慙東陲保障摧長城

趙誠格敬輓

李杜詩章周程經術於公名自無憾矣
龔黃治績燕許聲華問世人誰其承之

趙鴻翥
李正春同輓

嘆古今多少英雄誰壽高百齡但父年耄耄未能奉杖承歡頓
使英雄遺憾

想塵世注重功德君澤沛三省縱鶴駕歸來嗣後道山棲息仍
然功德猶存

鄉愚弟趙永德正恭輓

搔首問天公我夫子半生心血遍灑遼東閒散地非久居也何
竟渤海茫茫當中流偏摧砥柱
平情論國士惜此老獨具眼光注明世界澄清志今長已矣那
堪神州莽莽撐大廈先折棟樑

及門復縣警甲所長趙明允心輓

陪都坐鎮全國知名緬溯舊師承曾在襄平霑化雨
好爵難縻衡門終老驟聞傳噩耗空隨瀋水咽悲聲

受業 趙玉振拜輓

治奉建殊勲能富奉能強奉畢世精神疲於奉旋棄奉歸真惟
祝英魂昇三界

生人具異秉是偉人是完人狂瀾挽救仰斯人慨哲人其萎空
留偉業著千秋

義縣知事趙興德敬輓

先生行藏近代以來罕覩
吾黨狂簡兩楹之兆遽聞

譜愚姪

趙慶善
林蔚然 頓首拜輓

騎箕尾爲列星色正芒寒語默胥關天下計

仰典型若梁木時難勢棘袞袞猶望我公歸

愚弟 趙錫福敬輓

二十年著書二十年服官功業本文章是非得失爭千載
隱居以求志行義以達道蒼生懷霖雨治亂安危繫一身

奉天紡紗廠總理孫祖昌恭輓

吾鄉早具瞻那知竟作千古

大事猶未了何妨再活幾年

姻愚弟 孫德渭敬輓

退歸甫一載有餘演周易註陰符誰知西海閒吟竟成絕筆
享壽剛五旬逾半頌政聲懷遺愛到此東山再起已是空談

鄉愚弟 孫福基鞠躬拜輓

不朽直須一身兼每飯未忘天下計名世豈虛鍾韓范富歐霖
雨蒼生胥在抱

感知遇在萬里外得魚水於三年中斯文胡遽喪秋陽江漢春
風桃李定思心

孫國封敬輓

千載勲名爲謀故國致富庶
一生遺憾莫挽銀河洗甲兵

營口地方檢察廳廳長孫恩溥敬輓

逾格荷栽培心版常銘猶想像劍佩從容光八座

深恩蒙拔擢口碑願戴更獲視衣冠蘊藉列三台

署理台安縣知事孫維善拜輓

氣魄似張太岳經濟似劉士安十年治奉小試其端衡才真堪
作王佐

習醫比陸敬輿明數比邵康節二載歸里豫知不起思公髣髴
見神來

愚弟孫其昌拜輓

輓世生軼才澹泊寧靜自明本懷竹帛書勛是其餘事
燕居聞緒論藏往知來頗神於用干戈滿地不見斯人

愚弟孫其昌再輓

親未託葭莩憶尊翁勵精圖治痛哭陳詞雖上西京賈傳策
政聲留棠蔭到今日遺愛在民望風墮淚如臨東晉羊公碑

愚晚
孫人玉叩輓

蓄道德能文章宏閣頻開握髮吐哺成後進
遵白山渡黑水清醪一酌西風落日賦招魂

洮昂鐵路局總務科編查課長孫成彥叩輓

治績繫謳思史冊流芳昭百世
飾終隆典禮鄉邦馳譽足千秋

東省特別區市管理局副局長孫柏芳敬輓

山川旣鍾靈秀時勢偏忌英雄載詠鐵龕詩從此高歌成絕調

堂上哭有期頤鄉中痛憐父老試聽金巷議同悲造物太無情

鄉愚弟

孫天發拜輓

財盈府庫政肅紀綱百城奉法懾威稜年來梓里優遊陶情絲
竹霖雨聽謳思再起東山期謝傅

誼託苔岑班聯槐棘十載締交蒙盼睠春季履綦過訪坐嘯園
林牙琴嘆調絕難從海嶠覓成連

弟李友蘭拜輓

遼海鶴歸魂回溯舊遊失嵇阮
中原龍起陸更聞元首惜蕭曹

愚弟李思浩拜輓

艱鉅任匪躬方期泉石優游預運奇謨歸腕底
生成感知已太息循良凋謝空留遺愛徧遼東

營口警察廳廳長李家鼎拜輓

經濟文章舉世所宗卽今治譜流傳遼海傾心猶系望
提携知遇私衷尤感忽聞道山歸去梓鄉翹首失瞻依

鄉愚晚

李樹芳頓首拜輓

四洮洊劄忽忽逾六周對鶴滋慙不舞終爲羊公累
三島枯槎行行纔廿日騎箕遽賦有淚徒從海外揮

沐恩世愚姪李祖藩自扶桑郵輓

勛業炳遼東舉凡大政措施澤及生民都道得天獨厚

英魂歸斗極從此北堂岑寂歡承無日敢云有志竟成

姻愚兄 李維新拜輓

文章經濟兩兼之遺愛難忘且看他萬姓蒼生頌德銘恩哭里巷

事業功名今已矣典型頓渺祇留得千秋青史紀勳載績炳人寰

李

澤

新恭輓

重陽九日飲酒觀潮來西海一吟詩是懣
五十六年歸田竟病逝東山再起事全非

盟兄

李義田拜輓

以卦象解先天易以道妙解陰符經試看巨帙藏山金匱早垂
傳世業

其理財如劉子安其察吏如陶士行劇惜長才溘露珂鄉同想
濟時猷

鎮威上將軍公署秘書

李維禎
金永恩

敬輓

秉張太岳幹濟堅貞拯民國過渡撮紀維綱功稱懋著中土倚
長城公竟東山藏偉器

蘊郭林宗高博密雅求政務刷新掄才典試望重文衡下風瞻
泰斗星沉北海萎哲人

受知
李祖培敬輓

及身奠陪都羨此老潔身以去守正不阿喁望起東山再爲蒼
生作霖雨

驚心聞噩耗痛斯時天上神歸人間功在仁聲溢南國常教遺
愛頌甘棠

奉天省立第二師範學校校長李承露敬輓

身爲柱石勲著旂常眞國家碩彥十數載嘔盡心肝總與斯民
謀幸福倘教卒奏鴻猷定使神州張治道
歿比日星名垂簡策殆川嶽精華千百年發其靈秀始生此老
於塵寰何竟遽歸箕尾空留政績在陪都

愚姪 李陽庚拜輓

行尚俠義術尚儒修品學兼優豈特心盟白水
政著嚴明財長綜核事功卓越允宜像鑄黃金

李贊襄
高華林 鞠躬敬輓

文章經濟爲中外所欽崇自從息影衡門再起咸期謝安石
事業勛名樹榆枌之模範詎料歸真蓬島知音悵望管夷吾

吉海鐵路工程局總辦李銘書恭輓

憂傷病殂餘憾在懷楚之屈原漢之賈誼

棟折榱崩大廈將圯哀哉東國痛哉先生

李國楨鞠躬敬輓

造時勢端賴英雄民仰霖雨方殷公何去也

開試典甄拔俊秀士慕韓歐再起天胡妬之

受知 李祖培敬再輓

公眞一代完人名立宦成梓樹鄉中娛暮景

我是數年屬舊感恩沐德梅開嶺上哭春風

愚姪 李文珊恭輓

秉政念餘年鞠躬盡瘁利國福民痛此時天上騎箕同悼中流
失砥柱

歸林二三載稅駕半途頽山壞木願他日遼東化鶴依然北海
作干城

鄉晚 李貴臣敬輓